

---

# O'ZBEKISTON RESPUBLIKASINING KONSTITUTSIYAVIY QONUNI “O'ZBEKISTON RESPUBLIKASINING KONSTITUTSIYAVIY SUDI TO'G'RISIDA”GI YANGA TAHRIRDAGI KONSTITUTSIYAVIY QONUNINING MOHIYATI VA AHAMIYATI



O'zbekiston Respublikasining 2021 yil 27 apreldagi “O'zbekiston Respublikasining konstitutsiyaviy sudi to'g'risida”gi 687-sonli yanga tahrirdagi Konstitutsiyaviy Qonunining 4-moddasiga asosan Konstitutsiyaviy sudning vakolatlari berilgan bo'lib, mazkur moddadagi yangiliklardan biri bu Konstitutsiyaviy sudning konstitutsiyaviy huquq va erkinliklari muayyan ishda qo'llanilgan va O'zbekiston Respublikasining [Konstitutsiyasiga](#) muvofiq bo'limgan qonunda buzilgan deb hisoblovchi fuqarolar hamda yuridik shaxslarning shikoyatlarini ham ko'rib chiqishidir.

Agar qonun fuqarolar va yuridik shaxslarning fikricha, ularning konstitutsiyaviy huquqlari va erkinliklarini buzayotgan bo'lsa, O'zbekiston Respublikasining [Konstitutsiyasiga](#) muvofiq kelmasa hamda sudda ko'riliши tugallangan muayyan ishda qo'llanilgan bo'lsa va sudda himoya qilishning barcha boshqa vositalaridan foydalanib bo'lingan bo'lsa, ular qonunning [Konstitutsiyaga](#) muvofiqligini tekshirish to'g'risidagi shikoyat bilan Konstitutsiyaviy sudga murojaat etishga haqlidir.

Konstitutsiyaviy sudga murojaat etish huquqiga ega bo'lgan davlat organlarining va mansabdar shaxslarning murojaati, shuningdek fuqarolarning va yuridik shaxslarning shikoyatlari Konstitutsiyaviy sudda ishlarni ko'rish uchun asos bo'ladi.

Konstitutsiyaviy sudga murojaat yozma yoki elektron shaklda yuboriladi. Elektron shaklda yuborilgan murojaat elektron hujjat aylanishi to'g'risidagi qonunchilik talablariga muvofiq bo'lishi kerak. Kollegial organning Konstitutsiyaviy sudga murojaatiga ushbu organning tegishli qarori ilova qilinadi.

Murojaatda:

[Konstitutsiyaga](#) muvofiqligi tekshirilishi lozim bo'lgan normativ-huquqiy hujjatning nomi, raqami, qabul qilingan sanasi, u e'lon qilingan manba, O'zbekiston Respublikasi [Konstitutsiyasining](#) va qonunining sharh berilishi lozim bo'lgan qoidalari;

murojaatni Konstitutsiyaviy sudda ko'rib chiqishning huquqiy asoslari;

qo'yilgan masala yuzasidan murojaat qiluvchining nuqtai nazari va murojaatni O'zbekiston Respublikasi [Konstitutsiyasining](#) tegishli normalariga havola qilingan holdagi huquqiy asoslantirish;

murojaat qiluvchining nomi (familiyasi, ismi, otasining ismi), joylashgan yeri, pochta manzili yoki yashash joyi, vakil va uning vakolatlari to'g'risidagi zarur ma'lumotlar, bundan vakillik lavozim bo'yicha amalga oshiriladigan hollar mustasno;

ilova qilinayotgan hujjatlar ro'yxati ko'rsatilgan bo'lishi kerak.

Fuqarolar va yuridik shaxslarning shikoyatlarida ish sudda ko'rib chiqilganligi va sudda himoya qilishning barcha shakllaridan foydalanilganligi ko'rsatilgan bo'lishi kerak.

Murojaatda murojaat qiluvchi ishni hal etish uchun zarur deb hisoblagan boshqa ma'lumotlar ham ko'rsatilishi mumkin.

Murojaatga quyidagilar ilova qilinadi:

tekshirilishi lozim bo'lgan normativ-huquqiy hujjatning yoki sharhanishi lozim bo'lgan O'zbekiston Respublikasi [Konstitutsiyasi](#) va qonuni normasining matni;

taraf vakilining vakolatini tasdiqlovchi ishonchnoma yoki boshqa hujjat, bundan vakillik lavozim bo'yicha amalga oshiriladigan hollar mustasno, shuningdek shaxsnинг Konstitutsiyaviy sudda vakil sifatida ishtirok etish huquqini tasdiqlovchi hujjatlarning ko'chirma nusxalari.

---

qilinishi mumkin.

Konstitutsiyaviy sudga kelib tushgan murojaatlar ro'yxatdan o'tkaziladi.

Hal etilishi Konstitutsiyaviy sud vakolatlariga kirmaydigan masalalar bo'yicha murojaatlar Konstitutsiyaviy sud tomonidan «Jismoniy va yuridik shaxslarning murojaatlari to'g'risida»gi O'zbekiston Respublikasi [Qonunida](#) belgilangan tartibda, qo'yilgan masalalarni hal etish o'z vakolatiga kiritilgan tegishli davlat organlariga, tashkilotlarga va mansabdar shaxslarga besh kunlik muddatdan kechiktirmay yuboriladi.

Konstitutsiyaviy sud murojaat olingan kundan e'tiboran yetti kundan kechiktirmay uni o'rganishga kirishadi.

Konstitutsiyaviy sudning raisi kelib tushgan murojaatni ushbu Qonunda qo'yilgan talablarga muvofiqligi nuqtai nazaridan dastlabki tarzda o'rganishni va murojaatni dastlabki tarzda o'rganish natijalari bo'yicha xulosa tayyorlashni Konstitutsiyaviy sudning bir yoki bir nechta sudyasiga topshiradi.

Murojaatni dastlabki tarzda o'rganish konstitutsiyaviy sud ishlarini yuritishning majburiy bosqichidir.

Murojaatni dastlabki tarzda o'rganish natijalari yuzasidan Konstitutsiyaviy sud sudyasining (sudyalarining) xulosasi sud majlisida ma'ruza qilinadi.

Murojaatni ko'rib chiqish uchun qabul qilish to'g'risida Konstitutsiyaviy sud ajrim chiqaradi. Ajrimda ish bo'yicha ma'rutzachi sudya, ishni ko'rish sanasi, shuningdek ishni ko'rish uchun tayyorlash bilan bog'liq boshqa masalalar ko'rsatiladi.

Qabul qilingan ajrim haqida konstitutsiyaviy sud ishlarini yuritish ishtirokchilari uch kunlik muddatda yozma shaklda xabardor qilinadi.

Konstitutsiyaviy sud quyidagi hollarda murojaatni ko'rib chiqish uchun qabul qilishni rad etadi, agar:

murojaat Konstitutsiyaviy sudga taalluqli bo'lmasa;

murojaat predmeti yuzasidan Konstitutsiyaviy sud tomonidan ilgari qonuniy kuchga kirgan qaror chiqarilgan bo'lsa, bundan Konstitutsiyaviy sud qarorlarini qaytdan ko'rib chiqish uchun asoslar mavjud bo'lgan hollar mustasno;

murojaat mazkur Qonunning 27-moddasida ko'rsatilmagan davlat organidan yoki shaxslardan kelib tushgan bo'lsa;

fugarolarning yoki yuridik shaxslarning murojaati ushbu Qonun 86-moddasining birinchi qismida nazarda tutilgan talablarga muvofiq bo'lmasa.

Murojaatni ko'rib chiqish uchun qabul qilishni rad etish to'g'risida Konstitutsiyaviy sud ajrim chiqaradi va u Konstitutsiyaviy sud apparati tomonidan konstitutsiyaviy sud ishini yuritish manfaatdor ishtirokchilariga yetkaziladi.

Konstitutsiyaviy sud ko'rib chiqishi uchun kiritilgan murojaat murojaat qiluvchi ishni sud majlisida ko'rish boshlanguniga qadar chaqirib olishi mumkin.

Kiritilgan murojaat chaqirib olingan taqdirda ishni yuritish tugatilib, bu haqda Konstitutsiyaviy sud ajrim chiqaradi.

Ko'rib chiqilayotgan ish yuzasidan qaror murojaat ko'rib chiqishga qabul qilingan paytdan e'tiboran uch oydan kechiktirmay Konstitutsiyaviy sud tomonidan qabul qilinadi.

Yana bir yangilik Konstitutsiyaviy sud rais va uning o'rinosarini qo'shgan holda Konstitutsiyaviy sudning oldindi Qonundan farqli o'laroq yetti nafar emas, balki to'qqiz nafar sudyadan iborat bo'lishi belgilanganligidir.

---

Jinoyat ishlari bo'yicha

Farg'ona tuman sudining sudsiga

X.Xoliqov

**Bizni ijtimoiy tarmoqlarda kuzating**

Facebook,

2021-09-22 13:42:00